

جريدة محاكم

جمعه ايرتسى

نومرو	ذى القعدة	سنة	مايس	سنة	صحيفة
۷۷۱	۲۰	۱۳۱۱	۱۴	۱۳۱۰	۱۱۴۵۳

(اشبوغزته بهر هفته جمعه ايرتسى كونلرى چيقار . سنه لىكى درسعات ايچون مجديه يكرمى غروش)
 (حسابيله التمش غروشدر . طشره لر ايچون اون بش غروش پوسته اجرتى ضم اولنور . بهر)
 (نسخسى ينه مجديه يكرمى غروش اولق اوزره يوز پاره يه هر يرده ساتيلور . درج اولنه جق)
 (اعلانك هر برندن بر مجديه اخذ اولنور . سنه لىكنه مشترى اولق استيانلر عدليه نظارتى)
 (دائره سنده كائن جريدهء محاكم اداره سنه مراجعت ايلمليدر)

قسمت سى

كفيللر ينك تعين و تصديق هويتلرى نظاماً
 مقاولات محررلرينه عائد اولوب انجق تصديق
 هويتده ار باب مراجعتك شخص و صفتدن ماعد!
 تابعيتك دخى تعينى مقتضى اولد يغندن دين
 سند اتندن تصديقى حاوى يازيله جق شرحلره
 مستقر ضلاره كفيللر ينك تابعيتلر ينك دخى تصريح
 ايدلسى تجارت و نافعہ نظارت جليله سنندن وارد
 اولان تذکره ده بيان اولنمش و اولوجهله ايجابى
 اجرا اولنق اوزره مأموريتكز داخلنده بولنان
 محاکمه لاجل التبليغ اشبو تحريراتك نسخ

(فى ۲۴ شوال سنه ۳۱۱ و فى ۱۸ نيسان)
 (سنه ۳۱۰ تاريخنده بالجمله ولايات استيناف)
 (محكمه سى مدعى عموميلرينه و مدعى عمومى)
 (بولنيان محللر مدعى عمومى معاونلرينه يازيلان)
 (تحريرات عموميه صورتيدر)

زراعت باقده سنندن اقچه استقراض ايدنلره

مطبوعه كافيه سي لفا ارسال قلمش اولمسه
ايجابنك اجراسي .

قسم غير رسمي

صارو خان تجارت محكمه سندن ۲۹ مارت
سنه ۳۰۷ تاريخي و بش عددي ايله ويريلان
اعلامك تميزيني استدعا ايدن قصبه قضاسنه تابع
ايلدجه ناحيه سنده كان چفتلكنده مقيم محمد
محي الدين افندي و صالحو قضاسنه مربوط صارت
قریه سنده ساكن متوفي حسين بك ورثه سي عطيه
و ذكيه خانم و همت فخری و محمد توفيق افنديلر
ايله مدعي عليهمما متوفي خورشيد پاشا ورثه سندن
مدلولده ساكن مخدومي محمد عطا بك و درسمادته
قاضي قریه سنده ساكنه زوجة سي رقيه خاتم
كلكلری كبي مدعي عليهمما طرفلرندن جواب
لايحه سي دخي كوندرلمديكندن باش مدعي عموميك
مأموريت عليه سنك مطالعه نامه سي الندقدنسكره
اصول محاكمه حقوقيه قانوننك ايكوز يكرمی

طقوزنجي ماده سي موجبنجه تدقيقات تميزيه
اجراسنه ابتدار قلندي .

اعلام مذكورك خلاصه مآلي مشار ايله
خورشيد پاشانك امره محرر برقطه سند
موجبنجه متوفاي مومي ايله حسين بك ذمتده
بااعلام محكوم به بيك اوچيوز وجهت قرضدن
التیوز قرق درت ليرا كه جمعا بيك طقوز بوز قرق
درت عدد ليرای عثمانينك الاجفك كفالتری
حسبيله ورثه سي مرقوموندن تحصيلي حقدده اقامه
ايلديكي دعوانك جريان محاكمه و تدقيقاتي
نتيجه سنده مبلغ مدعا به مذکور متوفاي مومي ايله
حسين بك دینی اولوب مدعی عليهمك دخي
كفالتی ذكر اولنان سند مآليه تین ایتسنه مبنی
مبلغ مذکورك مع گذشته ورثه مرقوموندن
بالتحصيل پاشای مشار اليه اعطاسنه حكمدن
و مستدعی تميزلرك اشبوا اعلام عليهنده لايحه لرنده
محرر باشلوجه اعتراضاتي دعواي واقعه نك
چفتلك ايجارندن منبعث و بناء عليه حقوق
عاديهدن معدود اوله رق مرجع رؤيتي حقوق
محكمه سي بولنديني حالدده محكمه مذكوره جه
بوراسنه دقت اولتميارق وظيفه خارجنده رؤيت
اولتمسي مغاير قانون اولديغندن بختله اعلامك

تقضى استدعاسندن واقف البيان مطالعه نامه
مندرجاتي دخي منازع قيه اولان سند كچه
امرہ محرر ايسده بدللك برقمسي ايجاردن متولد
اولديغنه و دعواي واقعه دخي جهت كفالته مستند
بولنديغنه و بومقوله معاملات مواد تجاريه دن
اولديغنه مبنی وظيفه حقدنده كي اعتراضك
موافق قانون اولديني بيانندن عبارت
بولمشدر .

ايجابي مذاكره اولندقدده اعلام مذکور
مانندن اكلاشلا دینی اوزره مستند ادعا اولان
سند هر نه قدر امره محرر ايسده فائض مقالوه سنی
ناطق اولديني كبي حاوی اولديني اقچه دخي
حقوق عاديهدن منبعث اولمسيله سندآت عاديهدن
بولنديني جهته دعواي مذكوره نك مرجع رؤيتي
حقوق محكمه سي اولديني حالدده صارو خان تجارت
محكمه سنججه بورالری نظر دفته التميزه رق دعواي
مذكوره نك فصل ورؤيت اولتمسي وظيفه خارجنده
اوله رق قانونه مغاير و مستدعی تميزلر اعتراضيله
مارالبيان مطالعه نامه مندرجاتي دخي موافق
نفس الامر كورنديكنه بناء اصول محاكمه حقوقيه
قانوننك ايكوز اتوز ايكنجي ماده سي موجبنجه
اعلام مذكورك تقضيله قانون مزبورك ايكوز

قرق اوچنجي ماده سي حكمنه توفيقاً كيفيتك تاند
اولديني حقوق محكمه سنه حواله سنه واشبو اعلام
خارجي اولان ايكوز غروشك طلبلری وقوعده
على الاصول اوست طرفي كندولرينه رد و اعاده
اولتمق اوزره اولجه مستدعی تميزلرك ربع خرج
اوله رق ايضا ايلدكلری طقوز يوزايكي غروشدن
اجراي محسوبيله زي رده مفرداتي مرقم درتيوز
بر بيجي غروش مصارف ساثره نك ايلروده حقدسنر
چيقه جق طرفه رجوع ايتك اوزره اول امرده
مستدعی مومي اليهمدن التمسنه ۲ تشرین اول
سنه ۳۰۹ تاريخنده متفقاً قرار و يرلدي .

تكمفور طانغی تجارت محكمه سندن ۶ كانون اول
سنه ۳۰۹ تاريخي و بوزطقسان درت عددي ايله
صادر اولان اعلامك تميزيني استدعا ايدن چورلی
قصبه سنك ارمني محله سنده ساكن زقار اوغلی
قره بت اغا ايله تميز عليه محله مذكوره ده مقيم
طوغرامه جي بغوص اوغلی حاجي خچاطور اغا

یوم معینده دائرہ کلدگری کی بمزعلیہ طرفندن
جواب لایحه سی دخی کوندرلماش اولدیغندن
اصول محاکمه حقوقیه قانونک ایکوز بکرمی
طقوزنجی ماده سی موجبنجه تدقیقات تمیزیه
اجراسنه ابتدار اولندی .

اعلام مذکورک خلاصه مالی مرقوم خچاطور
اغانک امره محرر برقطه سند موجبنجه من بور
قره بت افا ذمتنده الاجنی اولان الی بر بچق
عدد لیرای عثمانینک اجرای موقله تحصیلنه دائر
تکفورطاغی تجارت محکمه سندن استینافاً اعتراض
علی الحکم اوزرینه استحصال ایلدیکی اعلام
علیهنده مرقوم قره بت افا جانندن اعاده محاکمه
استداسی اعطا ایدلمش ایسهده یوم معینده اغانی
مرقوم جانندن وكالة ورود ایدن انسطاش
افدینک اعاده محاکمه یه مآذونیتنه دائر اعلام
ابتدائیده برکونه صراحت کوریله میوب هر تقدیر
وکیل موسی الیه درجه اولی محکمه سنده محفوظ
بولان وکالتنامه ده اعاده محاکمه یه دخی مآذونیتی
مصرح اولسیله محکمه مرقومه دن تلغرافله جلبنی
ویا خود الوپ کتورمک اوزره کندوسنه ایکی
کون مهل ویرلمشی درمیان ایلمش ایسهده
سالف الذکر اعلام ابتدائیده اولیابده صراحت
موجود اولدیغندن معاد علیه خچاطور افا

وکیلنک طلبیه مذکور اعاده محاکمه استداسنک
ردینه حکمدن و مستدعی تمیز قره بت اغانک
اشبو حکم علیهنده لایحه سنده محرر اعتراضاتک
خلاصه سی وکیل انسطاش افدینک درجه اولی
محکمه سنده محفوظ وکالت سندده اعاده محاکمه یه
مآذونیتی مصرح اولغله عندالحاکمه مذکور
وکالتنامه نک جلبی ویا خود کندو طرفندن ابرازی
ضمننده ایکی کون امهالی طلب وادعا ایدلمش ایکن
محکمه جه بوبابده برشی دینلمیه رک اعاده محاکمه
عرضحالنک رد اولنسی بولسز و مغایر قانون
اولدیغندن بچله اعلامک نقضی استداسندن
عبارت بولنمشدر .

ایجابی مذاکره اولدوقده اعلام مذکور
مطالعہ سندن منقهم اولدینی اوزره دعوا ی واقعه
حقنده تکفورطاغی تجارت محکمه سندن ویریلان
اعلام علیهنده اعاده محاکمه طلبنی حاوی مرقوم
قره بت افا طرفندن ویریلان استدعا اوزرینه
وكالة کلش اولان انسطاش افدینک اعاده محاکمه یه
مآذون اولدیغندن استدعا نامه مذکورک ردینه
قرار ویرلمش ایسهده درجه اولی محکمه سنده
محفوظ بولان وکالت سندده اعاده محاکمه یه دخی
مآذونیتی مصرح اولدینی بیانیه سند مذکورک

محکمه مرقومه دن تلغرافله جلبنی ویا خود الوپ
کتورمک اوزره کندوسنه ایکی کون مهلت
ویرلمشی موسی الیه انسطاش افندی طلب ودرمیان
ایتمش اولسنه کوره محکمه جه وکیل موسی الیهک
بوداسنک نظر اعتباره النهرق مذکور سندک
جلبی ویا خود الوپ کتورمک اوزره کندوسنک
امهالی لازم کلور ایکن بوراسنک نظر اعتنا یه
النقسنین بوجه محرر قرار ویرلمشی قانونه مغایر
و مستدعی تمیز قره بت اغانک اعتراضی دخی
بو جهته متدائر اوله رق موافق نفس الامر
بولدیغنه بناء اصول محاکمه حقوقیه قانوننک
ایکیوز اوتوز ایکنجی ماده سی موجبنجه اعلام
مذکورک تقضیه قانون من بورک ایکوز قرق
درنجی ماده سی حکمنه توفیقاً کیفیتک صورت
مشروحه دائره سنده یکیدن بالرؤیه اعلامه ربطی
ضمننده محکمه مذکوریه اعاده سنه وز یرده
مفرداتی مرقم درتیوز اون درت بچق غروش
مصارف تمیز یه نک ایلروده حقسنر حقیقه جق طرفه
رجوع ایتک اوزره اول امرده مستدعی مرقومدن
النسنه ۲۰ نisan سنه ۳۱۰ تاریخنده متفقاً
قرار ویرلدی .

محکمه استیناف حقوق قسمندن ۱۴ تشرین
اول سنه ۳۰۹ تاریخی و یوز الی ایکی عددی ایله
صادر اولان اعلامک تمیزینی قاکلیجه ده
نومروسز دکانده مقیم قصاب نیقولی ولد واسیل
استدعا ایلدیکی حالده یوم معینده دائره یه کلیوب
بمزعلیه محل مذکورده نومروسز دکانده مقیم
قصاب لفر ولد قسطنینک وکیل پانده لاک
افدینک ورود ایتسیله ایضاحات شفاهی سی
استماع قلندقدن صکره تدقیقات تمیزیه اجراسنه
ابتدار اولندی .

اعلام مذکورک خلاصه مالی مرقومان
نیقولی و لفر بیننده متکون دعوا یه دائر بکوز
بدایت محکمه سندن ویریلان اعلامک فسحیله
مرقوم لفر طرفندن ویریلان دعوی عرضحالنک
ردینه دائر محکمه استیناف حقوق قسمندن لاحق
اولان اعلام غیابی علیهنده اعطا قلنان اعتراض
علی الحکم عرضحالی اوزرینه وجاهاً جریان ایدن
محاکمه نتیجه سنده اساساً مستأنف اولان مرقوم
نیقولینک اعطا ایلدیکی استیناف استدعا نامه سنده
کندوسنک محل اقامتی درج و تحریر ایتدیکی
لدی التدقیق ا کلاشلمش و اعلام مستأنف بهک
تبلیغنه نظراً مدت استینافیه نک مع زیاده مرورندن

طولانی اجمال نقصانه دخی امکان کوريله مامش اولديغندن اصول محاکمه حقوقه قانوننك يوز سگسان ايکنجی مادهسی حکمنه توفيقاً مذکور استيناف عرضحالنك ردینه حکمدن ومستدعی تمیز نيقولينك اشبو حکم عليهنده لایحه سنده محرر باشلوجه اعتراضی بدایه واستینافاً طرفینك شخص وهوینلری درجه کافیهده تعیین ایتدیکی کبی استیناف عرضحالنده دخی مقصد قانونی حاصل اوله جق صورته طرفینك اقامتکاهی درج وتتمیق قلمش ایکن عندالاستیناف بوراسنه دقت اولمیهرق استیناف عرضحالنك برمنوال محرر ردینه حکم اولنمسی مغایر قانون اولديغندن بخله اعلامك نقضی استدعاسندن ومیزعلیه لفتروکیلی باندلاکی افندینك نتیجه جوابی دخی عرضحال مذکورك شرائط استینافی بی جامع اولدینبی استینافاً بالتدقیق متبیین اولسنه مبنی ردینه قرار ویرلمسی موافق اصول و قانون بولدینبی بیانیه اعتراضات مسروده نك ردی و اعلام مذکورك تصدیقی طلبندن عبارت بولنمشدر .

ایجابی لدی المذاکره تمیزی طلب اولنان اعلام استینافی مذکور مطالعه سندن منفهم اولدینبی

اوزره مرقوم نیقولینك اعطا ایلدیکی استیناف عرضحالنده محل اقامتی درج وتتمیق ایتماش اولدینبی بیانیه عرضحال مذکورك ردینه قرار ویرلمش ایسهده مستأنف مرقومك قاکلیجهده اقامت ایتکده اولدینبی اولبابده کی استیناف عرضحالنده صراحة ذکر و بیان ایتمش وقاکلیجهنك ایسه برقریه دن عبارت اولهرق بونك ذکر یله اقامتکاهك تعیینی حقتده کی مقصد قانونی حاصل اولمش اولسنه نظراً عرضحال مذکورك قبولی ایجاب ایدر ایکن برمنوال محرر قرار ویرلمسی قانونه مغایر ومستدعی تمیز نیقولینك اعتراضی دخی بوجهته متدائر اولهرق موافق نفس الامر کورنمش اولديغندن اصول محاکمه حقوقه قانوننك ایکیوز اوتوز ایکنجی مادهسی موجبجه اعلام مذکورك تفضیله قانون منبورك ایکیوز قرق دردنجی مادهسی حکمنه توفيقاً کیفیتك صورت مشروحه دائره سنده یکیدن بالرؤیه اعلامه ربطی ضمننده قسم مذکوره اعاده سنه وزیرده مفرداتی مرقم درتیوز اون طقوز بچق غروش مصارف تمیز به نك ایلروده حقسز چیه جق طرفه رجوع ایتک اوزره اول امرده مستدعی مرقومدن اخذ واستیفاسنه

۳۱ مارت سنه ۳۱۰ تاریخنده متفقاً قرار ویریلارک تفهیم قلندی .

اوف بدایت محکمه سندن ۱۲ کانون ثانی سنه ۳۰۷ تاریخی واون اتی عددی ایله ویریلان اعلامك تمیزی استیفا ایدن اوف قضا سنك حولایسه قریه سی اهالی سندن حسن باش اوغلی مصطفی یوم مینده دائره به کلیوب میز علیه قریه مذکوره اهالی سندن اولوب وقتاً اسکدارده مقیم اسلام زاده اسماعیل افندی ورود ایتمش اولمغله ایضاحات شفاهی سیله باش مدعی عمومی معاونلرندن سعادتلو بورفا کی افندینك مطالعه سی استماع قلنهرق تدقیقات تمیزیه اجراسنه ایتدار اولندی .

اعلام مذکورك خلاصه مالی مومی الیه اسماعیل افندینك قریه مذکوره داخلنده کاش متصرف اولدینبی بردونم مقداری چایلته من بور مصطفی ایله زوج سی کلی خاتون طرفندن مداخله اولدینبی کبی مواقع مختلفهده واقع معلوم الحدود اتی قطعه ترلا وچایر وچایلنگک یدی حصهده برر

حصه سنی حسن باش اولدینبی متوفی حسنك کریمه سی صالحه خاتونك باججت شرعیه بیعه وکیلی بولنان فرشاد اوغلی اسماعیل افندین تفرغ ایدوب باقی اتی حصه دن اوچ حصه سنه من بور مصطفی اصالة و دیگر اوچ حصه سنه دخی متوفی ابراهیمك تیملری زینب وخدیجه ونبازل نامنه وصایته متصرف بولنمش ایکن تقسیمنه مخالفت ایتکده اولدقلرندن بخله مداخله واقع اولرینك منعيله حصه مفروغ بهانك اجرای تقسیمنی طلب ودعوی ایتسی ومدعی علیه مان کللی خاتونك دعوته اجابت ایتماسی اوزرینه من بوره ایچون وکیل مسخر حضور یله غیابنده وزوجی مصطفانك وجاهنده بردرجه به قدر محاکمه جریان ایتدکدن صکره مرقومك دخی مواجه دن امتناع ایتسیله انك ایچون دخی وکیل مسخر تعیین اولنه رق اجرا قلنان محاکمه و تدقیقات نتیجه سنده منازع فیه اولان اتی قطعه اراضی ایله برقطعه چایلنگک سکر حصه اعتبار یله بر حصه سی متوفی مرقومك کریمه سی اولوب با اعلام شرعی وراثتی ثابت اولان صالحه قادینك بیعه وکیلی اسماعیل افندین ویدی حصه اعتبار یله اوچ حصه سنی حسن باش اوغلی سعیددن و بر حصه سنی دخی من بوره صالحه دن رسمی صورتله و باقی اوچ حصه بی اون بش لیرا بدل

مقابلنده غير رسمي برقطعه سندله وصى مزبور
مصطفادن تفرغ واشترا ايتديكنى مدعى مومى اليه
اسماعيل افندى بيان و ادعا ايتكمده ايسده
مذكور اوچ حصه نك فراغ رسميسى اجرا
قلمدينى جهته معتبر اولديفنندن اولبايدهكى ادعانك
ردينه و بدل فراغ اوله رق وصى مرقومك اخذ
ايلديكى اون بش عندد عثمانلى ليراسيله بروجه
مقاوله ايام ماره گذشتهسى اولان ايكوز سكر
غروشك دخى وصى مرقومدن تحصيلنه وديكر
مدعى عليها كللى خاتونك مذكور چاليلقده بركونه
حصه مى اولدينى اكلاشلمغله مزبوره نك
مداخله واقعه سنك منعه و مدعى مومى اليهك
تفرغ ايلديكى حصه لرى مأمورى معرفيله مرقوم
مصطفانك بالا صاله و بالوصايه تقسيم ايتسى لزومه
حكمدن واشبو حكم عليهنده مستدعى تميز
مصطفانك لايحه سنده محرر باشلوجه اعتراضى
دعواى واقعه عقاره متعلق اولدينى حالده ذى اليديك
ثبوتنه اعتنا ايدلامسى مغاير قانون اولديفنندن بختله
اعلام مذكورك تقضى استدعاسندن و ميزعليهك
نتيجه جوابى حكم و اعلامك موافق قانون اولدينى
بيانيله تصديقى طلبندن و معاون مومى اليهك
مطالعه مى دخى دعواى واقعه تحت وصايتده بولنان
ايتامه متعلق اولدينى حالده صفت وصايت اثبات

ايجابى لى المذا كره اعلام مذكور مائندن

اكلاشلدينى اوزره دعواى واقعه تحت وصايتده
بولنان ايتامه و اراضى نوعندن اولان عقاره متعلق
اولسنه كوره اول امرده وصى مرقومك وصايتى
نه به مستند اولديفنك تحقيقيه صفت وصايت
منازعه فيه اولان اراضى به كمك طرفندن وضع بد
اولدينى اصولى دائره سنده اثبات ايتديرليهرك
خضم قانونى تعيين اكا كوره و طرفين تشكيل
اولندقدن صكره مدعى عمومينك حضوريله اجراى
محاكمه و تدقيقات اولنسى مقتضيات احكام قانونيه دن
بولنمش ايكن محكمه مرقومه جبه بوجهتله دقت
واعتنا اولنامسى و اراضى مذ كوره نك تقسيمى
اقتضا ايتديكى صورته محكمه معرفيله و مأمورينك
حضوريله تقسيمى بالا اجرا حصه دارلرك حصه لرى
بالتفريق كندولر بيه تسليمه قرار و برك لازمه دن
اولدينى حالده بوداثرده اجراى معامله اولنمشزين
يالكز اراضى منازع فيها نك اجراى تقسيمى

خصوصنك تتيهيله اكتفا ايدلمسى يولسز و اصول
و قانونه مغاير و مستدعى تميزك اعتراضيله معاون
مومى اليهك مطالعه مى موافق نفس الامر كورنمش
اولديفنندن اصول محاكمه حقوقيه قانوننك ايكوز
اوتوز ايكنجى و ايكوز قرق برنجى ماده لرى
و جنبجه اعلام مذكورك تقضيله قانون مزبورك
ايكوز قرق درنجى ماده مى حكمنه توفيقاً كيفيتك
صور مشروحه دائره سنده يكيدن بالرؤيه اعلامه
ربطى ضمننده محكمه مرقومه به اعاده سنه و زيرده
مفرداتى مرقوم در تيوز اون درت بحق غروش
مصارف تميزيه نك ايلروده حقسز چيقه حق طرفه
رجوع ايتك اوزره اول امرده مستدعى تميزدن
السنه ۱۶ نيسان سنه ۳۱۰ تاريخنده متفقاً قرار
و يريله رك تفهيم قلندى .



محكمه استيناف تجارت قسمندن ۲۲ نيسان
سنه ۳۰۹ تاريخى و اون اوچ عددى ايله و يريلان
اعلامك تميزينى استدعا ايتمش اولان بك اوغلنده
طمطم محله سنده اطه زقاغنده بش نومرولى خانه ده

ساكنه متوفى قصاب خرهلبوس ورنه سندن قزى
سلطان قادين و كلى ياقو مامو پلو افندى ايله
تميز عليه استا نبولده الاجه حمام جوارنده
قونداقچى خاننده مقيم جلب اصنافندن شمسى اغا
و كلى و برام شابوح مانوقيان افندينك يوم معينده
دائره به ورود ايتمش او للمريله ايضاحات
شفايه لرى استماع قلندقدن صكره تدقيقات تميزيه
اجراسنه ابتدار اولندى .

اعلام مذكورك خلاصه مالى مزبور شمسى
اغانك متوفى مرقوم خرهلبوس ذمتمده الاجبى
اولان سكران يدى بيك كسور غروشك مع فائض
متوفى مرقومك تركه و افيه سندن اولمق اوزره
قزى مزبوره سلطانه قادين ايله اوغلى ني قوله دن
تحصيلى حكمنى حاوى ايكنجى تجارت محكمه سندن
غياباً استحصال ايلديكى اعلام عليهنده مزبوره
سلطانه قادين و قرنداشى ني قوله جانبندن اعتراض
على الحكم عرض حالى اعطا ايله دعواى واقعه
مورثرينك محكمه شرعيه معرفيله تحرير اولنان
تركه سنه متعلق و على الخصوص ورنه دن بريسنك
طاائفه نسادن اوله رق صفت تجاريه يي غير حائر
اولسى جهته مزبور شمسى اغانك تركينى تحرير
ايدن محكمه به مراجعت ايتسى لازم كله جكي افاده

وانبا قلنمش ایسه ده معترضك وظیفه حقندكی
 اعتراضلرینك ردینه قرار ویرلدکن صکره
 ورته دن نیقولنهك وقوع وفاتنه ومدعی شمسى افا
 جانبندن مز بوره سلطانه قادین علیهنه حك دعوی
 ایلمسنه مبنی اولبابده سبق ایدن محاکمه وجاهیه
 نتیجه سنده مز بوره سلطانه قادین وکیلی مستند ادعا
 اولان سندات متوفی خره لمبوسك ایسه ده
 موکله سنك ترکیبی قرنداشی نیقولنه به ترك ایدوب
 وضع ید ایتماش اولدینی جهته شخصاً مسئول
 اوله میه جفتی افاده ایتمش ایسه ده متوفای مرقومك
 ترکه سنك وقبله اصولی دائره سنده تحریر
 ایتدیرلماش اولسی ورته زننده قالدیفنی مؤید
 اولوب مز بوره سلطانهك پدرینك وفاتندنصکره
 ترکه دن حصه سنی برادرینه ترك ایتدیکی معترف
 و بونك قبل الضبط ترك ایدیله بیلمسی غیرقابل
 اولدیفته نظراً متوفای مرقومك ترکه سنك ورته
 ذمته یکمش اولدینی ووجهته مز بوره سلطانهك
 ترکیبه واضعه الید ایدوکی درکار اولوب انجیق
 مز بوره سلطانهك ترکه دن حصه سنی قرنداشی
 نیقولنه به ترك ایتدیکنی حاوی ابراز اولسان
 مقاوله نامه مندرجاتندن منقهم اولدیفته کوره
 مز بورهك مجموع ترکیبه وضع ید ایتماش ایسه ده
 کندی حصه سنه وضع یدی مسلم ایدوکنه مبنی

اعلان

عرضحالی اعطا و متقابلاً استیناف دعوی اولنمش
 ایسه ده بر اعلامك استینافاً فسختدنصکره متقابلاً
 استیناف دعوی اولنمش مجلهك طقسان طقوزنجی
 ماده سی موجبجه غیر جائز اولدینی کبی اعتراض
 علی الحکم عرضحالی زیرنده کی امضا و خاج
 اشارتنك دخی مز بوره سلطانه قادینك خط دستی
 و یا اذنیله آخری جانبندن یازلدینی وکیلی جانبندن
 اثبات ایدیله ماش اولدیفته مبنی سالف الذکر
 استیناف و اعتراض علی الحکم عرضحاللرینك
 ردینه دائر ویریلان اعلامك وقوع بولان
 مراجعت و ادعا اوزرینه تمیزاً بالتدقیق مذکور
 اعتراض علی الحکم عرضحالی زیرنده کی امضا و خاج
 اشارتنك معترضه مز بوره سلطانهك اجازتیله
 دیگرى جانبندن وضع اولنوب اولنمدیفنك استیضاح
 و تدقیق اولنماسندن طولای نقض و اعاده
 اولندقدن و معترض علیه شمسى افا وکیلی دخی

ماهمدی وار

ارچیوز طقوز سنه سی ایلونك اوچنجی
 پنجشنبه کیجه سی قرتال قضاسنه تابع پاشا قریه سی
 ایله قایماس طانغی جوارنده ایازمه نام محله رژی
 محافظه سواری مفتشی ارنیود حسن افا ایله
 سواری قوجلیرندن مستان اغانك جرح و قتلرندن
 طولای مضمون علیهم اولنلردن اولوب وادی
 فرارده بولسان اسمر اینجه بیقلی تخمیناً یکرمی
 یاشنده بولسان شیله یکی کویلی نعلبند اوغلی
 استاورینك فعل مذکور جه جرات ایلدیکی
 اکلاشلمش ایدوکنه و حرکت واقعه سی قانون
 جزانك یوز یتمش دردنجی ماده سی حکمنی مستلزم
 افعال جنایتیه دن بولنمش اولدیفته بناء اصول محاکمات
 جزائیة قانوننك باب رابعنك فصل نایسنده محرر
 مواد احکامنه توفیقاً غیاباً درسمعات جنایت
 محکمه علیه سنده محاکمه سی اجرا اولنق اوزره
 جنایتله اتهامه قرار ویرلدیکندن متهم مرقوم
 هر زده کوریلورایسه طوتیلوب محکمه مذکور
 توقیفخانه سنه تسایمی لازم کله جکی بالجمله ضابطه عدلیه
 مأمورلرینك معلومی اولنق اوزره اشبو اخذ

و گرفت مذکره سی در سعادت هیئت اتهامیه سندن
بالتنظیم اعطا قلندی .

فی ۲۲ شوال سنه ۳۱۱

وفی ۱۶ نيسان سنه ۳۱۰

تحت استیجارنده بولنان دکانی قصداً احراق
ایتدیکی ادعاسیله مظنون علیه اولوب غیرموقوف
بولنان اوزون بویلی الا کوزلی سیاه صاج و قاشلی
بیوک بروئی مناسب اغزلی قره بیقلی مطروش دوز
النلی بیاض بکزی مناسرتلی یکریمی بش یاشنده
بقال طومه ولد واسیلک فعل مذکوره جرأتی
اکلاشلمش و حرکتی قانون جزانک یوز التمش
اوچنجی ماده سی حکمتی مستلزم افعال جنایتیه دن
بولنش اولدیغنه بناء در سعادت جنایت محکمه
علیه سنده محاکمه سی اجرا اولمق اوزره جنایتله
اتهامنه قرار ویرلدیکندن متهم مرقوم هر زرده
کوریلور ایسه طوتیلوب محکمه مذکوره
توقیفخانه سنه تسلیمی لازم کله جکی بالجمله ضابطه
عدلیه مأمور لرینک معلومی اولمق اوزره اشبواخذ
و گرفت مذکره سی در سعادت هیئت اتهامیه سندن
بالتنظیم اعطا قلندی .

فی ۲۰ نيسان سنه ۳۱۰

اوچیوز سکر سنه سی قانون تاینسک یکریمی
طقوزنجی جمعه کونی کره مید محله سنده صراف
اریستاخوسک اوکنه چیقهرق غصب و جرحه
جرات ایتمش اولدقلری ادعاسیله اتهام ایدلمش
اولنردن قیسه بویلی قرال قاش و صاجلی صاری
الا کوزلی اوفق بروئی مصطفی الان اله کچوربه
مامش اولدیغندن اصول محاکمت جزایه قانونینک
اوچیوز یتمش برنجی ماده سنه توفیقاً و تاریخ
اعلانن اعتباراً جانب ریاستدن مرقومه مجدداً
اون کون مهل ویرلمش اولمغله مدت مذکوره
ظرفنده محکمه جنایتله کلدیکی تقدیرده قانونه
اطاعت ایتماش نظریله باقیهرق محاکمه غیاییه سی
بالاجرا حقوق مدنی دن اسقاط و اموالی حجز
ایدیله جکی و بولندینی محلی بیلانر خبر ویرمه
و بالجمله ضابطه عدلیه مأمور لرینک مرقومی اخذ
و گرفت ایتکه مجبور بولندقلری بیانیله اعلان
کیفیت اولنور .

فی ۷ مایس سنه ۳۱۰

قره کمر کده ساکن سقا اصنافندن ابراهیم
اغانک اسکی علی باشاده ساکن اصناف مرقومه دن
قاسم مصطفی و اقامتکاهی اولیان خلیل اغانخدومی
حسین اغالر ذمتنده الاجتی اولان مبالغت تأمین
استیفاسی ضمننده مرقومانک حصه شایعه لرینه
متصرف اولدقلری چارشوی کیرده ترلکچی
زقاغنده (۴۹) نومرولی دکانک حجزی در سعادت
بدایت محکمه سی برنجی حقوق دائره سندن اعطا
قلنان ۷ نيسان سنه ۳۱۰ تاریخلو حجزنامه ده
کوسترلمش و مذکور املاک علی الاصول تحت حجزه
الدیولمش ایسه ده محجوز علیهمادن حسین اغانک
غیبوت ایتسندن طولای مرقومه تبلیغات اجرا
قلنه مامش اولدیغندن تبلیغ مقامنه قائم اولمق اوزره
تنظیم اولنان حجزنامه نک بر نسخه سی اجرا دائره سی
دیوانخانه سنه تعلیق اولدینی کبی غزته لرله دخی
اعلاننه مبادرت اولنور .

فی ۲۸ نيسان سنه ۳۱۰

زنه جی رفعت اقدینک خزینه خاصه شاهانه یه
جهت کفالتدن بااعلام دینی اولان مبالغت تأمین

استیفاسی ضمننده تحت حجزه النان مدیون مومی
الیهک در سعادتده مرجان اغان محله سنده شاهین اغان
زقاغنده کوچک و بیوک سکر اوطة و مطبخ و بر
قیوی حیوی و یکریمی بش لیرا ایجار سنویسی
بولنان اون ایکی نومرولی بر باب خانه سی
عندالمزایده لیرا یوزغروش حسابیله یکریمی درت
بیک سکر یوزغروشده طالبی عهده سنده تقرر
ایدک تاریخ اعلانن اعتباراً بر ماه ختامنده
قرار قطعیه ویریله جکی جهتله یوزده بش ضمیمه
زیاده یه طالب اولانلرک مدت مذکوره ظرفنده
اسکدار بدایت محکمه سی اجرا دائره سنه
مراجعت ایلملری، ایکنجی دفعه اولمق اوزره
اعلان اولنور .

فی ۲ مایس سنه ۳۱۰

توفیق بک خزینه خاصه شاهانه یه جهت
کفالتدن بااعلام دینی اولان مبالغت تأمین
استیفاسی ضمننده تحت حجزه النان مدیون مومی
الیهک قاضی قریه سنده عثمان اغان محله سنده باغچه لی
زقاغنده تخمیناً سکر یوز آرشون باغچه و فوقانی

وتحتانی سلامق و حرم سکر او طه و مطبخ و ایکی صوفه و بر او طه سیله آخوری حاوی و ایجار سنویسی یتیمش لیرادن عبارت بولنان بر نومرولی بر باب کوشکی عندالمزایده لیرا یوز غروش حسابیله اوتوزسکز بیک بشیوز غروشده طالبی عهده سنده تقرر ایدرک تاریخ اعلاندن اعتباراً بر ماه ختامنده قرار قطعیسی و بر یله جکی جهته یوزده بش ضمیمه زیادیه طالب اولنلرک مدت مذکوره ظرفنده اسکدار بدایت محکمه سی اجراء اثره سنه مراجعت ایلملری ایکنجی دفعه اوله رق اعلان اولنور .

یتیمش اوج نومرولی بر باب دکافی عندالمزایده لیرا یوز غروش حسابیله طالبی عهده سنده تقرر ایدرک تاریخ اعلاندن اعتباراً بر ماه ختامنده قرار قطعیسی و بر یله جکی جهته یوزده بش ضمیمه زیادیه طالب اولنلرک مدت مذکوره ظرفنده اسکدار بدایت محکمه سی اجراء اثره سنه مراجعت ایلملری ایکنجی دفعه اوله رق اعلان اولنور .

فی ۲ مایس سنه ۳۱۰

فی ۲ مایس سنه ۳۱۰

حاجی اولیا عارف اقدینک در سعادت ایکنجی حقوق دائره سی اعلامیله جلوه خانم ذمتنده الاجبی اولان مبالغک تأمین استیفاسی ضمتنده تحت ججزه النان شیخ وفا قر بنده منلا خسرو محله سنده آجی چشمه زقاغنده واقع تخمیناً اوج یوز یکر می آرشون عرصه اوزرینه مبنی فوقانی و تحتانی یدی او طه و ایکی صوفه و بر آرائق و اوج خلا و ارقه جهتمده تقریباً سکسان آرشون بنجه بی حاوی اوتوز بر نومرولی بر باب خانه تک التمش بر کون اجرا قلنان مزایده علیه نتیجه سنده

یعقوب بکک خزینه خاصه شاهانه یه جهت کفالتدن با اعلام دینی اولان مبالغک تأمین استیفاسی ضمتنده تحت ججزه النان مدیون مومی الیهک در سعادتده منلا کستل محله سنک چقور چشمه جاده سنده و درونی یتیمش ایکی آرشون و ایجار سنویسی یکر می بش لیرادن عبارت بولنان

لیرای عثمانی یوز غروش حسابیله اون بر بیک بشیوز غروشده طالبی عهده سنده تقرر ایتیمش ومدتک انقضاسنه مبنی موقتاً قراردادده سی کشیده قلتمش اولدیفندن بوندن زیادیه یعنی یوزده بش ضمیمه طالب اولنلرک ودها زیادیه معلومات المقی استیانلرک تاریخ اعلاندن اعتباراً اوتوز بر کونه اقدر اجرا دائره سنه مراجعتله بی سورملری لازم ککله جکی ومدت مذکورک انقضاسندن صکره ضم وقوعبولورسه قبول اولنجه جنی در سعادت اعلامات نظامیه اجرا دائره سنندن اعلان اولنور .

فی ۲ مایس سنه ۳۱۰

قره کمرکده درت یول اغزننده سقار او طه سنده ساکن سقا اصنافندن چشمکزکلی ابراهیم اغا بن اسماعیلک متوفی طا بور اوغلی خلیل اغانک ورثه سی محمد وقاص مصطفی وحسین واحمد اغالر علیهلرینه در سعادت بدایت محکمه سی برنجی حقوق دائره سننده اقامه ایلدیکی الاجق و تصدیق حجز دعوالرندن طولانی برای محاکمه مدعی

علیهمک محل اقامت لرینه کوندر یلان دعوتیه ورقه لرندن حسین اغا نامنه محرر اولانک زیرینه محله سی امامی افندی طرفندن مرقومک التی سنه دبرو مفقود ایدو کندن بختله شرح و بر یله رک اعاده قلتمش ومدعی ابراهیم اغانک و کیلی کر و په حبیطه یان افندی دخی مرقوم حسین اغانک معلوم بر اقامت کاهی اولدیفندن قانوناً لازم کلان معامله نک اجراسنی طلب ایتیمش اولسنه مبنی اصول محاکمه حقوقیه قانوننک یکر می التیجی ماده سنک فقره اخیره سی موجبینجه اولبا بدیه کی دعوتیه محکمه نک دیوانخانه سنه تعلیق واشبو بیک او چیوزاون سنه سی مایسنک اون طقوزنجی پنجشنبه کونی محاکمه لرینک اجراسی تنسیب اولتمش اولمقله مرقوم حسین اغانک یوم مذکورده ساعت یدی راده لرنده محکمه یه بالذات کلمنی و یا خود اصولی دائره سننده بروکیل کوندر میسی وعکسی تقدیرده معامله غیاییه اجرا اولنه جنی اعلان اولنور .

فی ۳ مایس سنه ۳۱۰

حاجی مصطفی افندیك $\frac{۳۱۱}{۲۸}$ نومروسیله مقید
 اعلام موجبنجه طوپخانده حاجی میمی محله سنده
 حاجی زقاغنده او طه لر چیه مازنده متصرف اولدینی
 اوچ نومرولی خانه ده مستأجراً ساکنه تبعه
 دولت علیه دن النی قادیك مذکور خانه دن
 اخراجیله خانه ك تخلیه سی محکوم اولوب معامله
 قانونیه بعدالاجرا مذکور خانه ك تخلیه سی
 صروده مزبوره فرار ایتمش و نحریات لازمه اجرا
 اولتمش ایسه ده بوانه مامش اولدیغندن اعطا
 بیوریلان قرار اوزرینه مزبوره ك غایبده
 خانه مذکور تخلیه اولنه رق اشیای موجوده
 بره مان محله بالحفظ تحت تمهیره النمش و اخیراً
 داین مومی الیهك طلب واستداسنه بناءً مذکور
 اشیادن کفایت مقداری تحت ججزه النهرق ضرردن
 وقایه فروختی تحت قراره النمش و مؤخرأ
 مزبوره ك غیبوتی تحقق ایتمش اولدیغندن اجرا
 قانون موقتک یکر می طقوزنجی ماده سی موجبنجه
 طقسان برکون ظرفنده کلوب تسویه دینه بر صورت
 کوسترلسی ومدت مذکوره ظرفنده اثبات وجود
 ایتدیکی حالده اشیای مذکوره مجموعنک بالمزایده
 فروخت اولنه جفی ۲ شباط سنه ۳۰۹ تاریخنده
 غزته لرله اعلان اولدینی حالده هنوز مزبوره

النی قادین ظهور ایتماش و بوکره مقام ریاستدن
 اعطایوریلان قراره توفیقاً بر عدد نیور قاریوله
 ایله بر عدد صغیر آینه و ایکی عدد یون مندر
 ودوشک و بر عدد صغیر طولاب و بر عدد اوت
 مندر و بر عدد کهنه صندوق و ایکی عدد نحاس تنجره
 و ایکی عدد طوا و بر قولاقلی ایکی عدد کیر معدن
 لامبه و ایکی عدد التون پارمق حلقه سیله بر عدد
 کموش یوکسک و بر طاقم حردوات منزلیه نك
 فروختی تحت قراره النمش اولغله اشیای مذکوره
 شهر جاری رومینک طقوزنجی بازار ایرتسی کونی
 ساعت اوچ قرارلرنده طوپخانده بات بازارنده
 بالمزایده فروخت ایتدیر یله جکی صوک دفعه
 اوله رق اعلان اولنور .

فی ۵ مایس سنه ۳۱۰